



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ეული სანდრო



სანდრო ეული

ეული სანდრო (ნამდგ. გვარი და სახელი - ქურიძე ალექსანდრე ქიშვარდის ძე) [11 (23). X. 1890, სოფ. ზომლეთი, ახლანდ. ჩოხატაურის მუნიციპალიტეტი, - 25. III. 1965, თბილისი], პოეტი. 1907 დაამთავრა ლანჩხუთის სამოქალაქო სასწავლებელი. 1909-იდან, ფოთში მუშაობის დროს, ჩაება რევ. საქმიანობაში. 1920 იყო ქართ. ბოლშევიკური გაზ. „კომუნისტის“ რედაქტორი. იყო საქართვე. მწერალთა კავშირის გამგეობის მდივანი (1934-39), ჟურნ. „ნიანგის“ რედაქტორი (1925, 1928-30, 1936-44), საქართვე. საჯარო ბ-კის დირექტორი (1933-36 და 1944-62). ლექსების ბეჭდვა 1909 დაიწყო. საქართველოში საბჭ. ხელისუფლების დამყარების (1921) შემდეგ ე. იყო „პროლეტარული

მწერლობის“ ერთ-ერთი მეთაური. აღსანიშნავია მისი პოემები: „არწივების ბუდე“, „ჭალადიდი“; დრამ. პოემა „ახალი ბალეტი“; პიესა „უძლეველი ძალა“; მოთხრობები: „ამირან ვაშალომიძე“, „სიცოცხლის დაბრუნება“ და სხვ., რ-ებიც გაერთიანდა კრებულებში: „რჩეული ლექსები და პოემები“ (1930), „პოემები“ (1933), „რჩეული“ (1941), „ატარა მოთხრობები“ (1942). დაკრძალულია მწერალთა და საბ. მოღვაწეთა დიდუბის პანთეონში.

თხზ.: თხზულებანი ორ ტომად, თბ., 1963-64.

ლიტ.: აკერმანი ნ., ბაქრაძე თ., ლაიშვილი ნ., სანდრო ეული-ქურიძე. 1890-1960 (მოკლე ბიბლიოგრაფიული საძიებელი), თბ., 1960.

